

Innaallagissamut, imermut ataatsimoortumillu kiassarnermut immikkoortukkaanut aningaasartuutit naatsorsorneqartarnerini aningaasartuutit agguataarneqartarnissaannut periusissatut tunngavissanik aalajangersaasarneq pillugu Namminersornerullutik Oqartussat nalunaarutaat nr. 12, 10. august 2006-imeersoq Atuussimasoq (Historisk)

Nukissamik pilersuineq pillugu Inatsisartut peqqussutaanni nr. 14, 6. november 1997-imeersumi § 18, imm. 3, aamma § 21 naapertorlugit aalajangersarneqarput:

Kapitali 1

Siunertaq atortuuffiilu

§ 1. Nalunaarutikkut siunertarineqarpoq qularnaassallugu, innaallagissamut, imermut ataatsimoortumillu kiassarnermut immikkoortukkaanut aningaasartuutit assigiiaartumik periuseqarluni naatsorsorneqartarnissaat.

§ 2. Nalunaarummut ilaapput pilersuviit innaallagissamik, imermik ataatsimoortumillu kiassarnermik pisortat pilersuviinut pissarsiniartarnermik, ingerlatseqqittarnermik, tunisassiornermik siammarterisarnermillu suliaqartut.

§ 3. Nalunaarutikkut pilersuviup agguataarneqartussanik naatsorsuusiornermut atugassanik, sumiiffinnut ataasiakkaanut tamanut naatsorsorneqartartussanut immikkoortukkaanut aningaasartuutit naatsorsorneqartarnerinut toqqammaviusunut, aningaasartuutit agguataarneqartarnissaanni periusiussatut tunngavissat aalajangersarneqarput.

Kapitali 2

Agguaassinermut naatsorsuutit

Sumiiffikkaarlugu ukiumoortumik suliarinnittarneq

§ 4. Pilersuviit ataasiakkaat ukiut tamaasa agguaassinermut naatsorsuusiortassapput ukiumoortumik naatsorsuutini paasissutissaatit assingi toqqammavigalugit, sumiiffinnut tamanut ataasiakkaanut atuuttunik, takuulli imm. 3. Sumiiffittut paasineqartassapput illoqarfiit ataasiakkaat aamma nunaqarfiit ataasiakkaat.

Imm. 2. Illoqarfiit marluk arlallilluunniit tunisassiornermik siammarterinermillu pilersuivimmiit ataatsimit pilersorneqartarpata, tamakku sumiiffittut ataatsitut naatsorsuutigineqassapput.

Imm. 3. Kiassarnermut agguaassinermut naatsorsuutit tunisassiorfiullutik immikkoortunut tamanut naatsorsorneqartassapput sumiiffinnut ataasiakkaanut tamanut siammarterissutit tassunga atasut ilanngullugit, naatsorsuuserisarnermi teknikkikkut periarfissaqalerpat, kingusinnerpaamilli 2010-mi.

§ 5. Agguaassinermut naatsorsuutit illoqarfinnut tulliuuttunut naatsorsorneqartassapput: Nanortalik, Qaqortoq, Narsaq, Paamiut, Nuuk, Maniitsoq, Sisimiut, Kangaatsiaq, Aasiaat, Ilulissat, Qasigiannugit, Qeqertarsuaq, Uummanaq, Upernavik, Qaanaaq, Tasiilaq aamma Illoqqortoormiit.

§ 6. Agguaassinermut naatsorsuutit nunaqarfinnut tulliuuttunut naatsorsorneqartassapput: Aappilattoq (Nanortalik), Narsaq Kujalleq, Tasiusaq (Nanortalik), Ammassivik, Alluitsup Paa, Saarloq, Eqalugaarsuit, Qassimiut, Igaliko, Qassiarsuk, Arsuk, Qeqertarsuatsiaat, Kapisillit, Atammik, Napasoq, Kangaamiut, Itilleq, Sarfannguit, Attu, Iginniarfik, Niaqornaarsuk, Ikerasaarsuk, Akunnaaq, Kitsissuarsuit, Ikamiut, Oqaatsut, Qeqertaq, Saqqaq, Ilimanaq, Ka-ngerluk, Niaqornat, Qaarsut, Ikerasak, Saattut, Ukkusissat, Illorsuit, Nuugaatsiaq, Upernavik Kujalleq, Kangersuatsiaq, Aappilattoq (Upernavik), Nutaarmiut, Tasiusaq (Upernavik), Nuussuaq, Kullorsuaq, Naajaat, Innaarsuit, Savissivik, Siorapaluk, Moriusaq, Sermiligaaq, Isortoq, Kulusuk, Tiniteqilaaq, Kuummiut, Uunarteq, Itterajivit, Kangerlussuaq aamma Narsarsuaq.

Kapitali 3

Periusissatut tunngaviit

Ingerlatsinermit sanaartormilut aningaasartuutit

§ 7. Agguaassinermut naatsorsuutit ilaapput pilersuiviit ataasiakkaat ingerlatsinermit sanaartormilut aningaasartuutaat imatut paasineqartussat:

- 1) Toqqaannartumik toqqaannartuunngitsumillu aningaasartuutit, taakkununga ilanngullugit sulisunut, naammassisaqarsinnaassutsikkut aningaasartuutit, isumakkeerisarnernut, nioqqutissanik atuinermut, ernianut il.il. aningaasartuutit.
- 2) Pilersuiviup nammineerluni akilersuutigisartagai.

Aningaasartuutit isertitallu assigiinngitsut

§ 8. Aningaasartuutit isertitallu assigiinngitsut imatut agguataarneqartassapput:

- 1) Annertussutsit pilersuutigineqartut aallaavigalugit agguataarneqartassaaq, annertussutsilli akiligassiissutigineqarsimasut atorineqartassapput, annertussutsinut pilersuutigineqartunut tatiginartunik paasissutissaqanngippat.
- 2) Innaallagissamut, imermut kiassarnermullu toqqaannartumik aningaasartuutit isertitallu assigiinngitsut toqqaannartumik innersuunneqarsinnaasut illoqarfinnut nunaqarfinnullu ataasiakkaanut naatsorsuutit ilaatinneqartassapput.
- 3) Immikkoortortaqaarfinnut, illoqarfinni nunaqarfinni assigisaannilu nukissiorfeqaarfinnut ataatsimoorussamik aningaasartuutit agguataarneqartassapput innaallagissamik, imermik kiassarnermullu pilersuinermit immikkoortortaqaarfinni, innaallagissamut imermut kiassarnermullu sulisunut, naammassisaqarsinnaassutsimut isumakkeerisarnernullu aningaasartuutit malillugit. Qitiusumik allaffeqaarfinnut aningaasartuutit, nukissiorfeqaarfiit sulisuinut, naammassisaqarsinnaassutsimut immikkoortortaqaarfinnilu ataasiakkaani isumakkeerisarnernut

tamakkiisumik aningaasartuutit malillugit, innaallagissamik, imermik kiassarnermillu pilersuinerlut agguataarneqartassapput. Tamatuma kingorna aningaasartuutit immikkoortortaqaqfinni ataasiakkaani pilersuutigineqartut naapertorlugit illoqarfinnut nunaqarfinnullu agguataarneqartassapput. Qitiusumik allaffeqarfimmit tamakkiisumik agguataarisinnaaneq periarfissaqassanngippat, qitiusumik allaffeqarfimmi aningaasartuutit ilanngaassineq pisinnaasaaq tunngavilersorluakkamik missingersuineq tunngavigalugu.

Suliffeqarfimmi namminermi akilersuisarneq

§ 9. Suliffeqarfimmi namminermi innaallagissamut, imermut kiassarnermillu akilersuisarneq imatut ingerlanneqassaaq:

- 1) Tunisassiorfinnit siammarterivinnit allanit innaallagiaq, imeq kiassarnerlu pissarsiarineqartarpata tamanna akilersorneqartassaaq atuisumut aningaasartuutit sipaarutaasut aallaavigalugit. Taamatut akilersuisarneq nuna tamakkerlugu agguaqatigiissitsisimanermit tunngaveqartinneqassaaq.
- 2) Erngup nukissiorfimmit innaallagiaq kiassarnerlu sinneruttoq pissarsiarineqartassaaq suliffeqarfimmi 0,01 kWh-tut akilersuinermit aki naapertorlugu.

Imm. 2. Kangerlussuarmut Narsarsuarmullu atuuppoq, nunap sinneranisut suliffeqarfimmi akilersuisarnermit aki atorneqartoq atorneqartassammat.

Ilanngaaseereerluni erniat

§ 10. Ilanngaaseereerluni erniat agguataarneqartassapput ukiup naanerani illoqarfinnut nunaqarfinnullu innaallagissamik, imermik kiassarnermillu pilersuinerlut sanaartukkat nalingi naatsorsuutini allanneqarsimasup nalinga naapertorlugu.

Isumakkeerisarnerit

§ 11. Isumakkeerisarnerit, taakkununga ilanngullugit nalikilliliinerit naleqarnerulersitsinerit, pilersuiviit ukiumoortumik naatsorsuutaannut maleruagassat naapertorlugit ilanngunneqartassapput, pigisanullu ataasiakkaanut ilanngunneqartassallutik.

Imm. 2. Agguassinerlut naatsorsuutitigut takuneqarsinnaasaaq, pigisat sorliit isumakkeerneqarsimannginersut.

Aningaasaliinernut akiliutit

§ 12. Aningaasaliinernut akiliutit agguassinerlut naatsorsuutitut ilanngullugit naatsorsorneqartassanngillat. Akiliutilli naatsorsuutitut ilanngunneqarsinnaasapput Inuussutissarsiornerlut Pisortaqaqfik taamaasiornissamut akuersissuteqassappat. Taamaattoqassappat immikkoortukkaanut aningaasartuutip 5%-a angullugu akiliutissaq naatsorsorneqarsinnaasaaq, tassungalu ilanngunneqartassalluni.

Kapitali 4

Immikkoortukkaanut aningaasartuutit naatsorsorneqartarnerat

§ 13. Immikkoortukkaanut aningaasartuutit naatsorsorneqartassapput agguataarneqartussanik naatsorsuutini aningaasartuutit naatsorsorneqarsimasut annertussutsinik pilersuutigineqarsimasunik agguarlugit, annertussutsit akiligassiissutigineqarsimasut ikiorsiullugit.

Imm.2. Inuussutissarsiornermut Pisorta qarfiup nalunaarutigisinnaavaa, sulii aningaasartuutitigut kisitsisinik allanik naatsorsuisoqassasoq.

Kapitali 5

Allaffissorneq

§ 14. Agguaassinermut naatsorsuutit Inuussutissarsiornermut Pisorta qarfimmut nassiunneqassapput.

Kapitali 6

Atuutilernera

§ 15. Nalunaarut manna 1. september 2006-mi atuutilerpoq.

Namminersornerullutik Oqartussat, ulloq 10. august 2006.

Siverth K. Heilmann

/

Peter Hansen